

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2021/121, 30.12.2021թ.

**Բողոք բերող անձ՝** «Մեգամար» ՍՊԸ

**Պատվիրատու՝** ՀՀ պաշտպանության նախարարություն

**Գնման ընթացակարգի ծածկագիրը՝** «ՀՀ ՊՆ-ԳՀԱՊՁԲ-22-3/1» գնանշման հարցում

**Գնման առարկան՝** հուշանվերների, նվերների և պարգևների, շախմատի, տեղեկատվական վահանակների ձեռքբերում

**Բողոքի պահանջը՝** պարտավորեցնել «ՀՀ ՊՆ-ԳՀԱՊՁԲ-22-3/1» ծածկագրով գնանշման հարցման ընթացակարգի գնահատող հանձնաժողովին՝ արձանագրված անհամապատասխանությունները շտկելու նպատակով, սահմանված կարգով մեկ աշխատանքային օրով կասեցնել նիստը, իսկ հանձնաժողովի քարտուղարին նույն օրը դրա մասին համակարգի միջոցով տեղեկացնել «Մեգամար» ՍՊԸ-ին՝ առաջարկելով մինչև կասեցման ժամկետի ավարտը շտկել անհամապատասխանությունը, որից հետո, միայն, հրավիրել գների նվազեցման շուրջ միաժամանակյա բանակցությունների նիստ:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Ռ. ՄԿՐՏՉՅԱՆ**

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, հրավույնք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին  
հասցե՝ ք. Երևան, Մելիք Ադամյան 1

Բողոք բերող անձ՝ <Մեգամար> ՍՊԸ  
Հասցե՝ ՀՀ, ք. Երևան, Միքայելյան 66  
ՀՎՀՀ 01283403

Էլ. փոստ [megamar.info@mail.ru](mailto:megamar.info@mail.ru), հեռ. 077-810-111

Պատվիրատուի անվանումը՝ ՀՀ պաշտպանության նախարարություն  
հասցե՝ ՀՀ, ք. Երևան, Բազումյանի 5

Գնման ընթացակարգի ծածկագիրը և առարկան՝ ՀՀ ՊՆ կարիքների համար նվերների, պարգևների,  
շախմատների և վահանակների ձեռքբերում,

Ծածկագիր՝ <ՀՀ ՊՆ-ԳՀԱՊՁԲ-22-3/1>

## **ԲՈՂՈՔ**

Սույն բողոքը կազմված է 16.12.2016թ «Գնումների մասին» ՀՀ օրենքի (այսուհետ՝ Օրենքի), ՀՀ  
կառավարության 04.05.2017թ թիվ 526-Ն որոշման (այսուհետ՝ Կարգ) և «ՀՀ ՊՆ-ԳՀԱՊՁԲ-22-3/1»  
ծածկագրով հրավերի (այսուհետ՝ Հրավեր) պահանջներին համապատասխան:

1. Վեճի առարկան, բողոքի փաստացի և իրավական հիմքերը, ապացույցները, բողոք ներկայացրած  
անձի պահանջը

Սույն թվականի դեկտեմբերի 08-ին հրապարակվել է ՀՀ ՊՆ կարիքների համար (այսուհետև՝  
Պատվիրատու)՝ նվերների, պարգևների, շախմատների և վահանակների ձեռքբերման նպատակով  
կազմակերպված «ՀՀ ՊՆ-ԳՀԱՊՁԲ-22-3/1» ծածկագրով գնանշման հարցման ընթացակարգը:

### 1.1. Վեճի առարկան

16.12.2021թ. «Մեգամար» ՍՊ ընկերությունը 16.12.2021թ. «ՀՀՊՆ-ԳՀԱՊՁԲ-22-3/1» ծածկագրով  
ընթացակարգին մասնակցության համար հայտ է ներկայացրել «armeps.am» էլ. գնումների համակարգի  
միջոցով, սակայն հայտը ներբեռնելուց հետո նկատել ենք, որ մեր կողմից ներկայացված հայտի 1.2  
հավելվածը թերի ենք լրացրել և այն չի համապատասխանում հրավերով սահմանված պահանջներին,  
մասնավորապես. լրացված չեն հայտարարագրի՝ 1.3.3, 4.5, 4.7.2 և 4.7.3 կետերը (կցվում է): Ուստի, հաշվի  
առնելով Կարգի 41-րդ և Հրավերի 8.9 կետերի պահանջները, սպասել ենք որպեսզի հանձնաժողովը մեկ  
աշխատանքային օրով կատարի նիստը, իսկ հանձնաժողովի քարտուղարը նույն օրը դրա մասին համակարգի  
միջոցով տեղեկացնի մասնակցին՝ առաջարկելով մինչև կատարման ժամկետի ավարտը շտկել  
անհամապատասխանությունը: Սակայն, չստանալով, որևէ ծանուցում, բազմիցս փորձել ենք հրավերով  
նշված հեռախոսահամարով կապ հաստատել հանձնաժողովի քարտուղարի հետ և պարզել թե գործընթացը  
ինչ փուլում է գտնվում, իսկ 28.12.2021թ-ին պարզել ենք, որ արդեն իսկ տեղի են ունեցել ընտրված և  
հաջորդաբար տեղեր զբաղեցրած մասնակիցներին որոշելու նպատակով գների նվազեցման շուրջ  
միաժամանակյա բանակցությունների նիստ, որի մասին ծանուցում մեր կազմակերպությունը չի ստացել:

Այսպիսով, պարզ է դառնում, որ «ՀՀ ՊՆ-ԳՀԱՊՁԲ-22-3/1» ծածկագրով ընթացակարգի հանձնաժողովը  
անտեսելով Օրենքի 34-րդ հոդվածի, Կարգի 41-րդ և Հրավերի 8.9 կետի պահանջները հայտերի բացման և  
գնահատման նիստի ընթացքում իրականացված գնահատման արդյունքում մասնակցի հայտում  
արձանագրելով անհամապատասխանություններ սահմանված կարգով չի կատարել նիստը և չի ծանուցել  
մեզ, առ այն, որ մեր կողմից ներկայացված հայտում առկա են թերություններ և չի առաջարկել մինչև  
կատարման ժամկետի ավարտը շտկել դրանք: Ավելին՝ հանձնաժողովը հրավիրել և անցկացրել է ոչ գնային  
պայմանները բավարարող գնահատված բոլոր մասնակիցների հետ գների նվազեցման շուրջ միաժամանակյա  
բանակցությունների նիստ, որի մասին ծանուցում մենք չենք ստացել: Արդյունքում մեր կազմակերպությունը  
գրկվել է ՀՀ ՊՆ կարիքների համար ապրանքների մատակարարման հնարավորությունից, քանի որ  
ընթացակարգի անցկացման կարգը հստակ հերթականությամբ իրականացնելու դեպքում, մեր  
կազմակերպությունը ևս կմասնակցեր բանակցություններին և կառաջարկեր ցածր գնային առաջարկներ,  
ավելին որոշ չափաբաժինների մասով «Մեգամար» ՍՊԸ-ն հանդիսանում է միակ գնային առաջարկ  
ներկայացնողը:

1.2 Բողոքի փաստացի և իրավական հիմքերը, ապացույցները,

Օրենքի 34-րդ հոդվածի, Կարգի 40, 41-րդ և Հրավերի 8.9 կետերի համաձայն՝

Օրենքի հոդված 34. Հայտերի գնահատումը

Հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Կարգի 41-րդ կետ՝ Եթե հայտերի բացման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի, երբ հայտում բացակայում է գնային առաջարկը կամ հայտի ապահովումը, կամ գնային առաջարկը, կամ հայտի ապահովումը ներկայացված է հրավերի պահանջներին անհամապատասխան, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով միևնույն կասեցման ժամկետի ավարտը շտկել անհամապատասխանությունը:

Հրավերի 8.9 կետ՝ Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին համակարգի միջոցով տեղեկացնում է մասնակցին՝ առաջարկելով միևնույն կասեցման ժամկետի ավարտը շտկել անհամապատասխանությունը:

Վերը նշված հոդվածը և կետերը ուսումնասիրելով, պարզ է դառնում, որ հանձնաժողովը անհամապատասխանություններ արձանագրելուց հետո պարտավոր էր, որպես օրենսդրության պարտադիր պահանջ, ամիջապես մեկ աշխատանքային օրով կասեցնել նիստը, իսկ հանձնաժողովի քարտուղարը նույն օրը դրա մասին համակարգի միջոցով տեղեկացնել մասնակցին՝ առաջարկելով միևնույն կասեցման ժամկետի ավարտը շտկել անհամապատասխանությունը:

Օրենքի հոդված 3-ի համաձայն

Օրենքի նպատակը, սկզբունքները և գործողության ոլորտը

Սույն օրենքի նպատակն է ապահովել գնումների գործընթացում հատուցման դիմաց արժեք, այն է՝

1) պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերում՝ համարժեք հատուցմամբ:

2) գնումների և գնումների գործընթացի տնտեսող, արդյունավետ և օգտավետ իրականացում:

2. Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում:

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում:

Հիշյալ հոդվածից հաստակ հետևում է, որ հանձնաժողովը պարտավոր է գնման գործընթացը կազմակերպել միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով, ապահովել պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում, իսկ վերջնական նպատակն է տնտեսող, արդյունավետ կերպով պետության կարիքների բավարարումը:

Պնդում են, որ հանձնաժողովի որոշումը հակասում է նաև օրենքի 3-րդ հոդվածի 1-ին մասով սահմանված նպատակներին և նույն հոդվածի 2-րդ մասով սահմանված համաչափության սկզբունքին, ասել է թե՛ պետական գնումների ընթացակարգը պետք է ուղղված լիներ գնումների մասին ՀՀ օրենսդրությամբ հետապնդվող նպատակին և դրան հասնելու միջոցները պետք է լինեն պիտանի, անհրաժեշտ և չափավոր:

Այսպիսով, հանձնաժողովը անտեսելով վերը նշված իրավական նորմերի պահանջները փաստացի՝ ա/ խախտել է գնման ընթացակարգի իրականացման կարգը, բ/ստեղծել է անհավասար և խտրական մրցակցային պայմաններ, որի արդյունքում մեր ընկերությունը անհիմն կերպով զրկվել է ընթացակարգին հետագա մասնակցությունից, ավելորդ չէ նշել նաև այն, որ ընթացակարգում մեզ չվերականգնելու դեպքում պետությանը կպատճառվի մոտավորապես՝ 1 980 000 ՀՀ դրամի չափով վնաս (գների նվազեցման դեպքում պատրաստ ենք այդ չափով նվազեցնել): Ինչպես նաև, եթե նույնիսկ առանց շտկված փաստաթղթերի մեր կազմակերպությունը ընթացակարգի արդյունքում ճանաչվեր հաղթող մասնակից, ապա դա կարող էր ընթացակարգի մյուս մասնակիցների կամ այլ անձանց համար հիմք հանդիսանալ բողոքարկելու մեր կազմակերպությանը հաղթող մասնակից ճանաչելու հանգամանքը:

գ/ չի ապահովվել ՀՀ ՊՆ կարիքների անընդհատ ապահովման գործընթացը, քանի որ հանձնաժողովի գործողությունների արդյունքում գնման առարկա հանդիսացող թվով 10 չափաբաժիններից 6-ի մասով ընթացակարգը հայտարարվելու է չկայացած:

Ուստի, առաջնորդվելով <Գնումների մասին> ՀՀ օրենքի 46-րդ և 50-րդ հոդվածի 2-րդ կետի 2-րդ ենթակետով ներկայացնում ենք բողոք:  
Մանավորապես՝

1.3. Պահանջ: Հաշվի առնելով վերը շարադրվածը և ղեկավարվելով <Գնումների մասին> ՀՀ օրենքի հոդված 50-ի, 7-րդ մասի, 1-ին կետի, բ/ ենթակետով՝

խնդրում ենք պարտավորեցնել

<<< ՊՆ-ԳԱՊՁԲ-22-3/1 > ծածկագրով ընթացակարգի գնահատող հանձնաժողովին՝

1. Արձանագրված անհամապատասխանությունները շտկելու նպատակով, սահմանված կարգով մեկ աշխատանքային օրով կասեցնել նիստը, իսկ հանձնաժողովի քարտուղարին նույն օրը դրա մասին համակարգի միջոցով տեղեկացնել «Մեզամար» ՍՊԸ-ին՝ առաջարկելով մինչև կասեցման ժամկետի ավարտը շտկել անհամապատասխանությունը, որից հետո, միայն, հրավիրել գների նվազեցման շուրջ միաժամանակյա բանակցությունների նիստ:

Կից ներկայացվում են՝

1. Բողոքարկման վճարը կատարած լինելը հիմնավորող փաստաթղթի պատճենը.  
Վճարման հանձնարարական N 1 առ՝ 29.12.2021թ.

2. Հավելված 1.2, հանձնաժողովի նիստի արձանագրությունը, տնօրենի ՆՔ պատճենը, սպասարկող բանկի տվյալները:

Առդիր՝ թերթ:

Հարքանով՝

«Մեզամար» ՍՊԸ

տնօրեն *Ս. Գալաջյան*

